

《佛說觀無量壽佛經》 補充講表

◎附表五：

○毘陀：又叫韋陀，或吠陀，譯為明，或智。婆羅門經書之名。

◆印度民族之四種階級：一、婆羅門，司祭祀之僧侶。二、刹帝利，國王及武士階級。三、

吠舍，一般農牧工商等平民階級。四、首陀羅，最下賤之奴隸階級。（佛光大辭典）

○旃陀羅：在制度中，被認為是最低種姓，主要工作是處理人類及動物屍體，擔任劊子手

或屠夫。在北印度，旃陀羅被等同於第五種種姓，是最低階級。

○時韋提希，見佛世尊，自絕瓔珞，舉身投地。

※《觀經四帖疏》卷第二云：「言自絕瓔珞者，此明夫人身莊瓔珞，猶愛未除。忽見如來，羞慚自絕。問曰：云何自絕也。答曰：夫人乃是貴中之貴，尊中之尊。身四威儀，多人供給。所著衣服，皆使傍人。今既見佛，恥愧情深。不依鈎帶，頓自掣卻，故云：自絕也。」

○世尊！我宿何罪，生此惡子？世尊復有何等因緣，與提婆達多，共為眷屬？

※《寒笳集》云：「小人以己之過為人之過，每怨天而尤人。君子以人之過為己之過，每反

躬而責己。夫不謂人過謂己過，有四觀焉：

眼見惡色、耳聞惡聲等，皆自業所感，非關他事故；

惡境紛紛，皆唯識所現，虛幻不實故；

眾生煩惱無量，應度應斷，己分事故；

眾生修惡，即是性惡，眾生性惡即己性惡故。」

※《大乘起信論》云：「復次，若人雖修行信心，以從先世來，多有重罪惡業障故，為邪

魔諸鬼之所惱亂；或為世間事務種種牽纏；或為病苦所惱；有如是

等眾多障礙。是故應當勇猛精勤，晝夜六時，禮拜諸佛，誠心懺悔，

勸請，隨喜，迴向善提，常不休廢，得免諸障，善根增長故。」

○唯願世尊，為我廣說無憂惱處；我當往生，不樂閻浮提濁惡世也。

※《觀經疏鈔演義》云：「無憂惱處，即請說淨土法也。唯淨土上善聚會，可謂無憂無惱。

我當往生，欣淨願也。不樂閻浮，厭離心也。欣厭二字，修淨

業人，不可暫離，不可不知。」

◆閻浮提：或稱閻浮，新譯瞻部洲。閻浮是樹名，譯為穢。閻浮提在須彌山之南方，所以

又稱為南閻浮提或南瞻部洲。閻浮提原本係指印度之地，後則泛指人間世界。

◆濁惡世：乃五濁惡世。五濁：即劫濁、見濁、煩惱濁、眾生濁、命濁。惡：即十惡也。

○今向世尊，五體投地，求哀懺悔。唯願佛日，教我觀於清淨業處。

※《觀經四帖疏》卷第二云：「從今向世尊，下至懺悔已來，正明夫人淨土妙處，非善不

生。恐有餘愆障不得往，是以求哀，更須懺悔。」

又云：「言佛日者，法喻雙標也。譬如日出，眾闇盡除。佛智輝光，無明之夜日朗。」

※《金光明經文句記》卷三云：「懺悔二字，乃雙舉二音，梵語懺摩，華言悔過。」

※《摩訶止觀》卷七云：「懺名陳露先惡，悔名改往修來。」

○唯願世尊，教我思惟，教我正受。（正受：三昧之異名。）

※《觀無量壽經義疏》云：「唯願下，求請往生所修觀法。初修方便，作意觀緣，名思惟。

觀想既成，任運妙契，名正受。如地觀云：【水想成已，名為粗見極樂國地】，即思惟也。【若得三昧，見彼國地了了分明，不可具說】，即正受也。準知思惟、正受，皆屬觀法，淺深有異。」

※《觀經四帖疏》卷第二云：「言思惟者，即是觀前方便，思想彼國依正二報總別相也。即

地觀文中說言：如此想者，名為粗見極樂國土。即合上教我思惟一句。言正受者，想心都息，緣慮並亡，三昧相應，名為正受。即地觀文中說言：若得三昧，見彼國地了了分明。即合上教我正受一句。」